



ZYRA E RREGULLATORIT PËR ENERGJI  
REGULATORNI URED ZA ENERGIJU  
ENERGY REGULATORY OFFICE

# LICENCË PËR OPERATORIN E SISTEMIT TË TRANSMETIMIT TË ENERGJISË ELEKTRIKE

DHËNË :

## OPERATORIT TË SISTEMIT TË TRANSMISIONIT DHE TREGUT (KOSTT) SH.A

Numri i regjistrimit: ZRRE/Li\_15/17

Prishtinë, **00 mars 2017**



## PËRMBAJTJA

KREU I: TERMAT E LICENCËS.....	3
KREU II: KUSHTET E LICENCËS.....	4
Neni 1: Përkufizimet.....	4
Neni 2: Llogaritë e Ndara për Aktivitetin e Operatorit të Transmisionit.....	4
Neni 3: Kompensimi i humbjeve në veri të Kosovës.....	5
Neni 4: Ndalimi i Diskriminimit.....	6
Neni 5: Kodi i Rrjetit.....	6
Neni 6: Kodi i Matjes.....	6
Neni 7: Pajtueshmëria me Kodin e Rrjetit, Kodin e Matjes dheKodin e Shpërndarjes .....	6
Neni 8: Funkionimi i Sistemit të Transmisionit .....	6
Neni 9: Ngarkesat për shfrytëzimin e sistemit të transmisionit.....	7
Neni 10: Planet Zhvillimore .....	7
Neni 11: Zotimi për zhvillimin e infrastrukturës.....	8
Neni 12: Bilancet e Energjisë Elektrike .....	8
Neni 13: Disponueshmëria dhe mirëmbajtja e të dhënave .....	8
Neni 14: Interkonektorët.....	9
Neni 15: Mekanizmi Kompenzues ndër- OST.....	
Neni 16: Operimi i Sistemit .....	10
Neni 17: Blerja Ekonomike e Aseteve, Shërbimeve dhe Shërbimeve Ndihmëse .....	11
Neni 18: Regjistrimi dhe Tjetërsimi i Aseteve Relevante .....	11
Neni 19: Standardet e Sigurisë dhe Planifikimit të Sistemit të Transmisionit.....	12
Neni 20: Standardet e Sigurisë së Operimit .....	12
Neni 21: Standardet e Përgjithshme dhe Minimale të Përmbushjes së Aktiviteteve të Operimit të Transmisionit .....	13
Neni 22: Qasja në Tokë dhe /ose në Ndërtesa.....	13
Neni 23: Kufizimi në Përdorimin e Informatës së Caktuar.....	14
Neni 24: Dhënia e Informatave tek Operatorët e tjerë të Sistemit dhe Operatorit të Sistemit të Shpërndarjes .....	15
Neni 25: Pavarësia Ligjore dhe Menaxheriale .....	15
Neni 26: Rregullat e Tregut dhe Integrimi i Tregut .....	16
Neni 27: Shëndeti dhe Siguria .....	16
Neni 28: Puna .....	16
Neni 29: Obligimi i Sigurimit.....	16
Neni 30: Ndryshimi në Kontrollin e të Licencuarit .....	16
Neni 31: Obligimet e Shërbimit Publik .....	17
Neni 32: Sigurimi i Informacioneve ndaj ZRRE-në.....	17
Neni 33: Taksat.....	16
Neni 34: Vazhdimi, Modifikimi, Pezullimi, Transferimi dhe Ndërprerja e Licencës .....	18
Neni 35: Masat Administrative dhe Gjobat.....	18
Neni 36: Zgjidhja e Kontesteve.....	18



## KREU I: TERMAT E LICENCËS

1. **Zyra e Rregullatorit për Energji** (në tekstin e mëtejshëm "ZRRE"), në pajtim me autoritetin e dhënë në Nenin 36 të Ligjit për Rregullatorin e Energjisë (Ligji nr. 05/L-084), Ligjin për Energjinë (Ligji nr. 05/L-081), Ligjin për Energjinë Elektrike (Ligji nr. 05/L-085) dhe Rregullën për Licencimin e Aktiviteteve të Energjisë në Kosovë, si dhe duke u bazuar në Vendimin e Qeverisë së Kosovës për caktimin Operatorit të Sistemit të Transmisionit dhe Tregut (KOSTT) si operator i vetëm i rrjetit të transmisionit të energjisë elektrike, nëpërmjet kësaj i modifikon Operatorit të Sistemit të Transmisionit dhe Tregut (KOSTT) - SH.A. Licencën për Operator të Sistemit të Transmisionit të Energjisë Elektrike (me numër licence ZRRE/Li\_15/12) në **Licencë për operatorin e sistemit të transmetimit, dhënë Operatorit të Sistemit të Transmisionit dhe Tregut (KOSTT) Sh.A., tani me numër regjistrimi ZRRE/Li\_15/17** (në tekstin e mëtejshëm "i Licencuari").
2. Territori që mbulohet nga kjo licencë është i tërë territori i Republikës së Kosovës.
3. Të Licencuarit mund të mos i jepet licence për ndonjë aktivitet tjetër të energjisë elektrike përveç deri në masën që i Licencuari vepron në pajtueshmëri me kërkesat e pavarësisë dhe shthurjes të Nenit 11.2 të Ligjit për Energjinë Elektrike dhe legjislacionit në fuqi.
4. I Licencuari do të veproj në pajtueshmëri me Nenet e përcaktuara në këtë licencë, Ligjin për Energjinë Elektrike si dhe ligjet, rregulloret, rregullat dhe kodet në fuqi.
5. I Licencuari do të veproj si vijon:
  - 5.1. të kryej në mënyrë efikase obligimet e përcaktuara me këtë licencë;
  - 5.2. të operoj, mirëmbaj dhe zhvilloj sistemin e transmisionit dhe linjat ndër-kufitare në mënyrë efikase, ekonomike dhe të koordinuar;
  - 5.3. bën balancimin e sistemit dhe zbatimin e marrëveshjeve të aranzhuara duke nxitur efikasitetin e tij, në harmoni me Rregullat e Tregut.
  - 5.4 kryen funksione të tjera të caktuara nga Ligji për Energjinë Elektrike, Rregullat e Tregut dhe kjo licencë.
6. Licenca vlen nga **04 Tetor 2006** dhe do të vazhdoj të jetë e vlefshme për një periudhë tridhjetë (30) vjeçare, deri më **04 Tetor 2036** me mundësi vazhdimi, në pajtim me Rregullën për Licencimin e Aktiviteteve të Energjisë në Kosovë.
7. Në pajtim me Nenin 36 Ligjit për Rregullatorin e Energjisë, kjo licencë e modifikuar, tani me numër regjistrimi ZRRE/Li\_15/17 i lëshohet Operatorit të Sistemit të Transmisionit dhe Tregut (KOSTT) SH.A, për aktivitetin e transmetimit të energjisë elektrike, dhe hynë në fuqi me datë **00.00.2017**.



E Vulosur me vulën e rëndomtë të Zyrës së Rregullatorit për Energji më: \_\_\_\_\_.  
Nënshkruar (në emër të Bordit të ZRRE-së): \_\_\_\_\_.

## KREU II: KUSHTET E LICENCËS

### Neni 1: Përkufizimet

1. Shprehjet e përdorura në këtë licencë do të kenë kuptimin si në vijim:

**“Plan Zhvillimor”** - çdo plan zhvillimor i përgatitur nga i Licencuari, sipas Nenit 10 të Ligjit për Energjinë dhe Nenit 16 të Ligjit për Energjinë Elektrike.

**“Vit financiar”** - periudha prej 1 Janar deri më 31 Dhjetor të të njëjtit vit kalendarik.

**“Shoqëri Aksionare”** - çdo kompani e definuar si e tillë në përputhje me legjislacionin në fuqi në Kosovë.

**“Legjislacion”** – Ligji për Energjinë (Ligji nr. 05/L-081), Ligji për Rregullatorin e Energjisë (Ligji nr. 05/L-084), Ligji për Energjinë Elektrike (Ligji nr. 05/L-085) si dhe çdo legjislacion tjetër primar apo sekondar që rregullon sektorin e energjisë.

**“Rregulla të Tregut”** –norma që rregullojnë tregtimin e energjisë elektrike ndërmjet pjesëmarrësve në treg dhe bashkëveprimin ndërmjet palëve në tregun e energjisë elektrike, Operatorit të Tregut dhe Operatorit të Sistemit të Transmisionit, me qëllim të mbajtjes së bilancit fizik në treg.

**“Kode”** – rregulla që synojnë të vendosin standardet minimale të dizajnit teknik, kërkesat dhe standardet operacionale, dhe kushtet komerciale për aktivitete relevante në sektorin e energjisë, të cilat me ligj kërkohet të dorëzohen në ZRRE për aprovim.

**“Person i ndërlidhur”**- çdo kompani në pronësi apo e kontrolluar nga një kompani tjetër, siq përcaktohet në Nenin 225.1 a) të Ligjit për Shoqërite Tregtare 02/L-123, siq është amandamentuar.

2. Termet tjera të përdorura në këtë licencë do të kenë të njëjtin kuptim si termet e përdorura në Legjislacionin në fuqi.

### Neni 2: Llogaritë e Ndara për Aktivitetin e Operatorit të Transmisionit

1. I Licencuari do të përgatisë Pasqyrat Financiare Vjetore për aktivitetet që mbulohen nga kjo licencë, duke përjashtuar aktivitetet e Operatorit të Tregut, në përputhje me Udhëzimet Rregullative për Kontabilitetin, të nxjerrë nga ZRRE-ja, dhe do t'i dorëzoj



ZRRE-së një kopje të Pasqyrave Financiare të audituara, brenda tre (3) muajve, pas përfundimit të vitit financiar.

2. I Licencuari do të dorëzoj në ZRRE Pasqyrat Financiare Vjetore të audituara nga auditor i pavarur në përputhje me Standardet Ndërkombëtare të Raportimit Financiar brenda afateve të përcaktuara me ligjet në fuqi për raportimin financiar. Auditori duhet të verifikoj se kërkesat lidhur me ndalim e ndër-subvencioneve dhe diskriminimit, në Nenin 3, janë përmbushur.
3. I Licencuari në kontabilitetin e tij të brendshëm do të mbajë kontabilitetin për aktivitetin e Transmisionit në tërësi, si dhe për aktivitetet tjera. Kontabiliteti rregullativ do të jetë në përputhje me Udhëzimet Rregullative për Kontabilitet, i cili ndër të tjera mund të specifikoj:
  - 3.1. formën e deklaratave/regjistrave të kontabilitetit rregullativ , duke përfshirë, por duke mos u kufizuar vetëm në llogaritë e fitimeve dhe humbjeve, bilancet, fitimet e njohura dhe deklaratat e humbjeve, rrjedhjen e parave të gatshme dhe deklaratat për shumat e të ardhurave vjetore, kostove, aseteve, borxheve, rezervave ose furnizimeve, të cilat janë tarifuar nga ndonjë aktiviteti tjetër, ose janë përcaktuar nga alokimi ose shpërndarja midis aktiviteteve të konsoliduara të Operatorit të Sistemit të Transmisionit dhe ndonjë aktiviteti tjetër;
  - 3.2. natyrën dhe përmbajtjen e deklaratave/regjistrave të kontabilitetit rregullativ, duke përfshirë informacione mbi lloje të specifikuara të të ardhurave vjetore, shpenzimeve, aseteve ose borxheve, dhe informacione mbi të ardhurat vjetore, asetet, shpenzimet dhe borxhet nga aktivitetet e specifikuara;dhe
  - 3.3. parimet dhe politikat e kontabilitetit rregullativ (duke përfshirë bazat për alokimin e shpenzimeve).
4. Në lidhje me deklaratat e kontabilitetit rregullativ për sa i përket vitit financiar, i Licencuari nuk do të ndryshoj bazën e ngarkesës, shpërndarjes ose alokimit nga ato të përdorura në vitin financiar paraprak, përveç nëse ZRRE-ja nxjerr më parë udhëzimin relevant ose jep aprovimin me shkrim për ndryshimin e këtyre bazave.
5. I Licencuari do të veproj në pajtueshmëri me çdo udhëzim të nxjerrë nga ZRRE-ja dhe legjislacioni në fuqi.

### **Neni 3: Kompensimi për humbjet në Veri të Kosovës**

1. Kur kërkohet nga ndonjë Vendim apo Udhëzim lëshuar të Licencuarit nga ZRRE, i Licencuari duhet të siguroj energji elektrike për të kompenzuar humbjet që dalin nga energjia e shfrytëzuar, por jo e paguar, nga konsumatorët në pjesën veriore të Kosovës.
2. Në llogaritë e tij rregullative, i Licencuari duhet të sigurohet se regjistron ndarazi ndonjë kosto të shkaktuar nga ai për blerjen e energjisë, nën paragrafin 1 më lartë.



#### **Neni 4: Ndalimi i Diskriminimit**

Gjatë vendosjes së çmimeve që do t'u ngarkohen shfrytëzuesve të sistemit të të licencuarit, i Licencuari nuk duhet të ketë preferencë për ndonjë përdorues apo kategori të përdoruesve, nuk duhet që në mënyrë të paarsyeshme të ushtroj diskriminim ndaj ndonjë përdoruesi apo kategorie të përdoruesve dhe nuk duhet të vendos kushte dhe afate të padrejta dhe të vështira për kyqje në sistem apo përdorim të tij.

#### **Neni 5: Kodi i Rrjetit**

1. I Licencuari do të ndër marr të gjithë hapat brenda kompetencave të tij për t'u siguruar që Kodi i Rrjetit në fuqi, në kuadër të kësaj licence më [data e modifikimit] mbetet një kod që përputhet me kërkesat e Nenit 17 të Ligjit për Energjinë Elektrike dhe legjislacionit tjetër në fuqi.
2. Deri në masën e kërkuar nga legjislacioni në fuqi dhe ZRRE, i Licencuari duhet të kordinoj punën e tij në zhvillimin e Kodit të tij të Rrjetit dhe ndonjë Rregulle për menaxhimin e kongjestionit me OST-të e tjera të shteteve fqinjë dhe pjesëmarrësit tjerë në treg, sipas nevojës.

#### **Neni 6: Kodi i Matjes**

I Licencuari duhet të ndër marr të gjithë hapat brenda autoritetet të tij që të siguroj se Kodi i Matjes në fuqi, në kuadër të kësaj licence, më [ data e dhënies] mbetet një kod që përputhet me kërkesat e Nenit 18 të Ligjit për Energjinë Elektrike dhe legjislacionit tjetër në fuqi, dhe se është aprovuar nga ZRRE.

#### **Neni 7: Pajtueshmëria me Kodin e Rrjetit, Kodin e Matjes, Kodin e Shpërndarjes dhe Rregullat e Tregut**

1. I Licencuari do të veprojnë në përputhje me dispozitat e Kodit të Rrjetit, Kodit të Matjes dhe Kodit të Shpërndarjes

#### **Neni 8 : Funkionimi i Sistemit të Transmisionit**

1. I licencuari duhet të planifikoj, operoj, mirëmbaj dhe zhvilloj sistemin e transmisionit në përputhje me Kodet teknike, rregullat dhe legjislacionin në fuqi.
2. I Licencuari është përgjegjës për funksionimin efikas, ekonomik dhe të koordinuar të sistemit të Transmisionit, duke përfshirë rrjedhat ndërkufitare të energjisë elektrike, në përputhje me legjislacionin në fuqi
3. I Licencuari duhet të ofroj kushtet për kyqje dhe përdorim të sistemit të tij në përputhje me legjislacionin në fuqi dhe Rregullën për Kushtet e Përgjithshme të Furnizimit me Energji. Për çdo kontest që mund të paraqitet nga kyqja apo përdorimi i Sistemit të Transmisionit, do të zbatohen dispozitat e Rregullës për Zgjidhjen e Ankesave dhe Kontesteve në Sektorin e Energjisë, të nxjerrë nga ZRRE-ja.



4. I Licencuari do të siguroj qasje jo diskriminuese për shfrytëzuesit e sistemit apo kategoritë e shfrytëzuesve të sistemit, dhe t'u siguroj informatat që ju nevojiten për qasje efikase në sistem, e në përputhje me Ligjin për Energjinë.
5. Në faqen e tij elektronike, i Licencuari duhet të publikoj Metodologjinë Tarifore për Përdorim të Sistemit të Transmisionit dhe Metodologjinë e Taksave për Kyçje, të aprovuar nga ZRRE, si dhe kodet teknike dhe komerciale, procedurat dhe informacionet që janë të rëndësishme për përdoruesit e sistemit të transmisionit, duke përfshirë: kapacitetet ndërkufitare, fytyrë e ngushta në sistemin e interkoneksionit dhe intra-transmisionit, dhe informata të tjera të kërkuara për organizimin e tregut të energjisë elektrike.

#### **Neni 9: Ngarkesat për shfrytëzimin e sistemit të transmisionit**

1. I Licencuari do t'u vendos Palëve detyrime të aplikueshme për operimin e sistemit, shfrytëzimin e rrjetit të transmisionit dhe kyçjen në rrjet (Detyrimet e Operatorit të Sistemit), ashtu siç përcaktohet në Rregullën për Kushtet e Përgjithshme të Furnizimit me Energji.
2. Ngarkesat për shfrytëzimin e sistemit të transmisionit do të përcaktohen në bazë të Metodologjisë për shfrytëzimin e sistemit të transmisionit dhe Metodologjisë tarifore për qasje dhe kyçje në sistemin e transmisionit.
3. Në përcaktimin e tarifave për shfrytëzimin e sistemit të transmisionit dhe taksave për kyçje, i Licencuari do të siguroj sinjale të duhura për çmime jo diskriminuese ashtu që inkurajoj për kyçje në sistemin e transmisionit dhe qasjen në tregun e energjisë elektrike.
4. I Licencuari do të publikojë në faqen zyrtare elektronike të tij Rregullën për Çmimet dhe Tarifat e Energjisë Elektrike në Kosovë, si dhe Metodologjinë për qasje dhe kyçje në Sistemin e Transmisionit, të aprovuar nga ZRRE.

#### **Neni 10: Planet Zhvillimore**

1. Në përputhje me Nenin 10 të Ligjit për Energjinë dhe Nenin 16, nënparagrafët 1.11-1.13, të Ligjit për Energjinë Elektrike, i Licencuari do të hartoj dhe publikoj Planin Zhvillimor Investiv afatmesëm (-5 vjeçar) , ndërsa për çdo vit do të hartoj Planin Investiv një (1) vjeçar që rrjedhin nga Plani Zhvillimor afatgjatë i Sistemit të Transmisionit (10 vjeçar). Plane të tilla zhvillimore do të hartohen në përputhje me legjislacionin në fuqi duke konsultuar shfrytëzuesit aktual dhe potencial të sistemit.
2. Para se të publikohen, draft-planet zhvillimore duhet të jenë në dispozicion të Operatorit të Sistemit të Shprëdarjes (OSSH) dhe i Licencuari duhet të bej të bëj të gjitha përpjekjet e mundshme për harmonizimin e planeve të tij me ato të OSSH-së, pa ndonjë vonesë të paarsyeshme. I Licencuari duhet t'i dorëzoj planet zhvillimore në ZRRE për aprovim.



3. I Licencuari do të rishikojë planin zhvillimor afatgjatë çdo vit, në kordinim me OSSH-në, në mënyrë që të sigurohet se informacioni i paraqitur në planin zhvillimor, të vazhdoj të jetë i saktë në të gjithë aspektet thelbësore. Çdo propozim për ndryshim të Planit Zhvillimor do të dorëzohet në ZRRE për aprovim.
4. I Licencuari duhet, gjatë planifikimit të sistemit të energjisë elektrike, në mënyrë aktive dhe transparente të bashkëpunoj me Operatorin e Tregut, Operatorin e Sistemit të Shprëndarjes, përdoruesit e sistemit dhe operatorët fqinjë të sistemit të transmisionit, sipas Nenit 16, nënparagrafi 1.4 të Ligjit për energjinë elektrike.

#### **Neni 11: Zotimi për zhvillimin e infrastrukturës**

1. I Licencuari do të veproj në përputhje me zotimin e zhvillimit të infrastrukturës që rrjedh prej Programit të Zbatimit të Strategjisë të miratuar nga Qeveria e Republikës së Kosovës, si dhe çdo zotim për infrastrukturën që rrjedh nga Ligji për Energji. Kur zotimet për zhvillim të infrastrukturës i shkaktojnë të Licencuarit shpenzime shtesë, ato shpenzime do t'i kthehen të licencuarit në përputhje me legjislacionin në fuqi.
2. I Licencuari do të raportoj çdo vit në ZRRE mbi aktivitetet që do të kryhen, në lidhje me zotimin e zhvillimit të infrastrukturës.

#### **Neni 12: Bilancet e Energjisë Elektrike**

I Licencuari, pas konsultimit me ZRRE-në, do ti paraqes ministrisë përkatëse Bilancet e Energjisë elektrike, me parashikimet e nevojshme afatgjata dhe vjetore, në pajtim me Nenin 8 të Ligjit për Energji dhe rregullat tjera në fuqi.

#### **Neni 13: Disponueshmëria dhe mirëmbajtja e të dhënave**

1. I Licencuari do të siguroj që shfrytëzuesit aktual dhe ata potencial të Sistemit të Transmisionit do të kenë qasje jo-diskriminuese në informatat që atyre ju nevojiten për të pasur qasje efikase në sistem, në pajtim me Ligjin për Energji Elektrike.
2. I Licencuari do të marr të gjitha masat e nevojshme për të siguruar dhe zbatuar të gjitha detyrimet që dalin nga legjislacioni në fuqi, licenca dhe marrëveshjet e lidhura.
3. I Licencuari është përgjegjës për mirëmbajtjen dhe publikimin e të dhënave për kapacitetet ndërkuftare, operimin e interkonektorëve, kongjestionit, dispeçimin e kapaciteteve gjeneruese, shfrytëzimin e shërbimeve ndihmëse si dhe funksionimin e tregut balancues, si dhe të drejtat dhe obligimet lidhur me përdorimin e harduerit dhe softuerit të nevojshëm për llogaritjen e rrjedhave të energjisë dhe informatat tjera.





4. ZRRE mund të kërkoj nga i Licencuari që të mbledh dhe mirëmbaj informata, regjistra dhe dokumente në përputhje me Nenin 18 të Rregullës për Licencimin e Aktiviteteve të Energjisë në Kosovë.

#### **Neni 14: Interkonektorët**

1. Në përputhje me Ligjin për Energjinë Elektrike dhe Rregullat e Tregut, i Licencuari bën alokimin e kapaciteteve të linjave interkonektive me sistemet tjera në harmoni me procedurat e qarta dhe transparente për alokimin dhe shfrytëzimin e linjave interkonektive (ndërlidhëse), duke përfshirë menaxhimin e transportimit të energjisë elektrike nëpër Sistemin e Transmisionit. Procedurat përkatëse dhe ndryshimet e tyre do të dorëzohen në ZRRE për aprovim. Në momentin kur Rregullat Regjionale për alokimin e kapaciteteve transmetuese bëhen obligative, atëherë i Licencuari jo më vonë se tre (3) muaj para hyrjes në fuqi të Rregullave Regjionale, duhet të përgatisë procedurat relevante dhe t'i dorëzojë në ZRRE për aprovim.
2. Në bazë të Programit të Zbatimit të Strategjisë së Energjisë dhe sipas nevojave të regjionit, i Licencuari do të vlerësoj dhe zhvilloj mundësitë për të ndërlidhur Sistemin e Transmisionit të Kosovës me sistemet tjera, do të përgatis çdo dy (2) vjet listën e kapaciteteve të reja të transmisionit dhe linjave interkonektive si dhe do të veprojnë në pajtim me çdo udhëzim të ZRRE-së dhe dispozitat relevante të legjislacionit në fuqi.
3. I Licencuari duhet të përgatis, për çdo interkonektor dhe pas komisionimit të çdo linje interkonektive ndërlidhëse, një deklaratë për ZRRE-në, sa më shpejt që të jetë e mundur, dhe në çdo rast, jo më vonë se në datën e përcaktuar nga ZRRE-ja, ku tregohen:
  - 3.1. sasia totale e kapacitetit të çdo interkonektori dhe të gjithë interkonektorëve e parashikuar nga i Licencuari në baza vjetore, mujore dhe ditore, që do të jetë në dispozicion për transferimin në baza ditore të energjisë elektrike nga territori i veprimit të të Licencuarit tek Operatorët tjerë të Transmisionit jashtë territorit të tij dhe anasjelltas;
  - 3.2. margjina e kapacitetit rezervë të çdo interkonektori, që është propozuar nga i Licencuari dhe/ose nga ndonjë operator tjetër i sistemit të transmisionit për sigurinë e sistemit; etj.
4. I Licencuari do të azhuroj në mënyrë të rregullt kapacitetet vjetore, mujore dhe ditore në dispozicion, të paraqitura sipas paragrafit 3 të këtij Neni, dhe në rast të modifikimit, menjëherë do ta njoftoj ZRRE-në.
5. Deklaratat dhe deklaratat e modifikuara do të publikohen në faqen elektronike zyrtare të të Licencuarit.

Në këtë Nen:



**“Rregullat Regjionale”** - rregulla obliguese për alokimin e kapaciteteve transmetuese të nxjerra sipas marrëveshjeve ndërkombëtare

#### **Neni 15: Mekanizmi Kompensues ndër-OST**

1. I Licencuari duhet të ndërmarr të gjitha masat e nevojshme për të mbledhur të hyra nga alokimi i kapaciteteve interkonektive dhe pagesa në kuadër të mekanizmit kompensues ndër-OST, sipas Nenit 16, paragrafi 8 të Ligjit për Energjinë Elektrike.
2. I Licencuari duhet, së paku një herë në tre (3) muaj, të njoftoj ZRRE-në nëse ka qenë në gjendje të kryej detyrat e tij, sipas Nenit të referuar në paragrafin 1.

#### **Neni 16: Operimi i Sistemit**

1. I Licencuari do të lëshoj urdhëresa direkte për dispeçimin e të gjitha njësive gjeneruese për ndryshimin e pikës së punës brenda kufijve dinamik, ndryshimit të ngarkesës dhe mjeteve tjera të nevojshme për balancimin e sistemit në përputhje me Kodin e Rrjetit dhe Rregullat e Tregut.
2. I Licencuari bën miratimin e programit një ditë para, sipas kërkesave dhe kriterëve të mëposhtme:
  - 2.1. parashikimin e kërkesës totale të sistemit;
  - 2.2. kufizimet teknike të paraqitura kohë pas kohe në të gjithë sistemin ose në ndonjë pjesë të tij;
  - 2.3. karakteristikat e dinamikës operuese të njësive prodhuese dhe kapaciteteve transmetuese;
  - 2.4. parashikimet e eksporteve dhe importeve të energjisë elektrike në çdo linje interkonektive në përputhje me alokimin e kapaciteteve të transmisionit;
  - 2.5. humbjet teknike të parashikuara në transmision;
  - 2.6. ndërprerjet e planifikuara të sistemit të transmisionit për mirëmbajtje, riparim, zgjerim ose përforcim;
  - 2.7. Standardet e Sigurisë së Operimit, sipas Nenit 16 të kësaj Licence;
  - 2.8. mekanizmin balancues në përputhje me Rregullat e Tregut;
  - 2.9. energjinë elektrike të injektuar në sistemin e transmisionit nga njësitë e gjenerimit që nuk i nënshtrohen dispeçimit qëndror; dhe
  - 2.10. çështje të tjera që përcaktohen me legjislacionin në fuqi dhe Kodin e Rrjetit.
3. Gjatë nominimit dhe dispeçimit të energjisë së prodhuar, i Licencuari do t'i jap prioritet energjisë së prodhuar nga burimet e ripërtëritshme të energjisë dhe ko-gjenerimit siç kërkohet me Kodin e Rrjetit dhe në përputhje me Legjislacionin në fuqi.
4. I licencuari mirëmban sistemet matëse, grumbullon dhe distribuon matjet komerciale për qëllim të barazimit përfundimtar, në përputhje me Kodin e Matjes dhe Rregullat e Tregut.



5. I Licencuari do t'i raportoj ZRRE-së, në lidhje me funksionimin e sistemit, ose ndonjë aspekt tjetër të funksionimit, sipas kërkesave të ZRRE-së.

Në këtë Nen:

**"Transferim interkonektiv"** - rrjedhja e energjisë nëpër një linjë interkonektive ashtu siç përshkruhet me Kodin e Rrjetit.

### **Neni 17: Blerja Ekonomike e Aseteve dhe Shërbimeve dhe Shërbimet Ndhmëse**

1. I Licencuari do të kontraktoj dhe siguroj asetet dhe shërbimet që janë të nevojshme për t'i mundësuar atij që të kryej detyrimin e tij sipas Kodit të Rrjetit. Kontraktimet e tilla do të bëhen në përputhje me Ligjin për Prokurimin publik, dhe legjislacionin tjetër relevant në fuqi në Kosovë.
2. I licencuari do të jetë përgjegjës për aranzhimin e provizioneve të sasive dhe llojeve të shërbimeve ndhmëse, siç mund të jetë e nevojshme në mënyrë që të Licencuarit t'i mundësohet kryerja e obligimeve të dhëna në Kodin e Rrjetit. Duke bërë këtë, i Licencuari duhet të jetë në pajtim me Kodin e Rrjetit dhe Rregullat e Tregut dhe duhet të reflektojë parimet e efikasitetit, mos-diskriminimit dhe transparencës.
3. Gjatë kontraktimit për sigurimin e asetëve dhe shërbimeve në përputhje me paragrafin 1 dhe 2 të këtij Neni, i Licencuari, do të blej ose do të siguroj ato asetë, shërbime dhe shërbime ndhmëse nga burimet më ekonomike që ka në dispozicion.
4. Duke marr parasysh burimet më ekonomike që ka në dispozicion, i Licencuari duhet të ketë parasysh sasinë, natyrën, shumëllojshmërinë, numrin dhe sigurinë e asetëve të tilla, shërbimeve dhe shërbimeve ndhmëse që janë në dispozicion për blerje ose për përvetësim tjetër, dhe sipas nevojave të tij t'i mundësoj që ai t'i kryej obligimet sipas Legjislacionit në fuqi, Kodit të Rrjetit dhe kësaj licence.

### **Neni 18: Regjistrimi dhe Tjetërsimi i Aseteve Relevante**

1. I Licencuari do të përgatis dhe do të mbaj një regjistër të të gjithë asetëve relevante dhe do t'ia dorëzoj ZRRE-së me çdo ndryshim në regjistër jo më vonë se më 31 janar të çdo viti.
2. I Licencuari nuk do të shes apo heq dorë nga kontrolli funksional mbi ndonjë aset relevant, nëse kjo do të ndikonte në aftësinë e tij për të kryer detyrimet e tij. Në rast kur i Licencuari dëshiron të tjetërsoi asetet, apo pasuritë tjera që përdoren në ushtrimin e aktivitetit të licencuar, ku vlera e tyre tejkalon shumë njëqind mijë euro (100,000.00 €), i Licencuari do të obligohet që ta njoftoj ZRRE-në. I Licencuari mund ta bëjë tjetërsimin e ndonjë asemi të tillë vetëm pas miratimit me shkrim nga ZRRE-ja.

Në këtë Nen:



**"Tjetërsim"**- çdo shitje, transferim, dhurim, dhënie me qira, hua, hipotekë, ngarkimin, kufizim mbi shfrytëzimin (qoftë ky fizik ose ligjor) ose ndonjë ngarkesë tjetër, si dhe lejimin e ndonjë ngarkese ndaj një aktiviteti tjetër të të Licencuarit dhe/ose pale të tretë.

**"Aset relevant"** nënkupton:

- a) Çdo pajisje e e Sistemit të Transmisionit që shfrytëzohet nga i Licencuari për të kryer funksionet e veta siç përcaktohet në paragrafin 2 të këtij Neni;
- b) Çdo interes ligjor ose përfitues mbi tokën dhe/ose ndërtesat në të cilat janë vendosur të sipërpërmendurit, dhe/ose që shfrytëzohet nga i Licencuari për të kryer funksionet që përcaktohen në këtë licencë; dhe
- c) Çdo e drejtë pronësore përkatëse intelektuale.

### **Neni 19: Standardet e Sigurisë dhe Planifikimit të Sistemit të Transmisionit**

1. I Licencuari, është përgjegjës për mirëmbajtjen dhe kur është e domosdoshme rifreskimin e dokumentit Standardet e Sigurisë dhe Planifikimit të Sistemit të Transmisionit. Çdo ndryshim i dokumentit duhet të dërgohet në ZRRE për aprovim.
2. I Licencuari do t'i zbatoj Standardet e Sigurisë dhe Planifikimit të Sistemit të Transmisionit dhe do të jetë përgjegjës për funksionimin, sigurimin e mirëmbajtjes së Sistemit të Transmisionit, dhe nëse është e nevojshme, edhe zhvillimin e tij në përputhje me Standardet e Sigurisë dhe Planifikimit të Sistemit të Transmisionit si dhe me standarde të tjera të planifikimit dhe operimit të cilat i Licencuari mund t'i zbatoj, pas aprovimit nga ZRRE-ja.
3. I Licencuari do të shqyrtojë kohë pas kohe zbatimin e Standardeve të Sigurisë dhe Planifikimit të Sistemit të Transmisionit, dhe do të dorëzoj në ZRRE:
  - 3.1. një raport të rezultateve të këtij shqyrtimi; dhe
  - 3.2. propozimin për amendamentim eventual të Standardeve të Sigurisë dhe Planifikimit të Sistemit të Transmisionit.
4. ZRRE-ja mund të nxjerrë udhëzime që i kërkon të Licencuarit të rishikojë Standardet e Sigurisë dhe Planifikimit të Sistemit të Transmisionit, në atë mënyrë që është specifikuar në udhëzime.
5. I Licencuari do të publikojë në faqen elektronike zyrtare të tij, Standardet e Sigurisë dhe Planifikimit të Sistemit të Transmisionit.

### **Neni 20: Standardet e Sigurisë së Operimit**

1. I Licencuari do të implementoj Standardet e Sigurisë së Operimit, të aprovuara nga ZRRE.



2. I Licencuari do të zbatoj Standardet e Sigurisë së Operimit dhe do të jetë përgjegjës për funksionimin e Sistemit të Transmisionit në përputhje me këto Standarde.
3. Gjatë planifikimit dhe mirëmbajtjes së niveleve të duhura të rezervës së operimit për sistemin e të Licencuarit, i Licencuari duhet të shfrytëzoj të gjitha mundësitë për të bashkëpunuar dhe për t'u kordinuar me operatorët e sistemit të transmisionit të shteteve fqinjë, sipas Nenit 16, nënparagrafi 1.6 të Ligjit për Energjinë Elektrike.
4. I Licencuari do të rishqyrtoj herë pas here zbatimin e Standardeve të Sigurisë së Operimit dhe nëse ka ndryshime, do të dorëzoj në ZRRE:
  - 4.1. një raport të rezultateve të rishqyrtimit të tillë; dhe
  - 4.2. ndryshimet që propozohen t'u bëhen Standardeve të Sigurisë së Operimit.
5. ZRRE-ja mund të nxjerr udhëzime me të cilat kërkon nga i Licencuari që t'i rishikoj Standardet e Sigurisë së Operimit në mënyrën që specifikohet në ato udhëzime, dhe i Licencuari do të veproj në pajtueshmëri me ato udhëzime.
6. I Licencuari do të publikoj Standardet e Sigurisë së Operimit në faqen e tij zyrtare elektronike.

#### **Neni 21: Standardet e Përgjithshme dhe Minimale të Përmbushjes së Aktiviteteve të Operimit të Transmisionit**

1. I Licencuari do të veproj në pajtueshmëri me të gjitha standardet e cilësisë së furnizimit dhe shërbimit me energji elektrike të aprovuar nga ZRRE-ja.
2. Kur ZRRE kërkon, i Licencuari do të shqyrtoj standardet ekzistuese të përgjithshme dhe minimale të përmbushjes ,brenda afatit të përcaktuar nga ZRRE.
3. I Licencuari do të zbatoj standardet e aprovuara dhe do t'i propozoj ZRRE-së për aprovim procedurën e monitorimit të përmbushjes së standardeve të cilësisë dhe furnizimit me energji elektrike. I Licencuari do të veproj në pajtueshmëri me procedurat e aprovuara.
4. I Licencuari do t'i siguroj ZRRE-së jo më vonë se 31 Mars të çdo viti raport mbi ushtrimin e veprimtarisë lidhur me standardet që duhet përmbushur. Ky raport do të përfshij informata dhe analiza lidhur me përmbushjen e standardeve sipas këtij Neni.
5. I Licencuari, deri më 31 Mars të çdo viti kalendarik, do të publikoj statistikën ashtu si ZRRE i kërkon, lidhur me përmbushjen ose mospërmbushjen e standardeve të përcaktuara sipas këtij Neni.

#### **Neni 22: Qasja në Tokë dhe /ose në Ndërtesa**



1. I Licencuari do të mirëmbaj dhe zbatoj Kodin e tij të Praktikës i cili përcakton parimet dhe procedurat që do të ndiqen në lidhje me ndonjë person që vepron në emër të të Licencuarit dhe që kërkon qasje në tokë dhe/ose ndërtesë e që lidhet me ushtrimin e aktivitetit të licencuar.
2. Kodi i Praktikës do të përfshij procedurat për të siguruar që personi që kërkon qasje në tokën dhe/ose ndërtesën, në emër të të Licencuarit:
  - 2.1. posedon aftësitë e nevojshme për të kryer detyrat e kërkuara;
  - 2.2. Është trajnuar në mënyrë të duhur për Kodin e Praktikës të kompanisë lidhur me tokat dhe ndërtesat e palëve të treta;
  - 2.3. mund të identifikohet nga publiku, dhe
  - 2.4. janë persona të autorizuar për të vizituar dhe hyrë në tokat apo ndërtesat.
3. I Licencuari do të rishqyrtojë kohë pas kohe Kodin e Praktikës dhe çdo ndryshim i këtij Kodi do t'i nënshtrohet aprovimit të ZRRE-së.

### **Neni 23: Kufizimi në Përdorimin e Informatës së Caktuar**

1. I Licencuari duhet të siguroj konfidencialitetin e të dhënave të ndjeshme komerciale të siguruara dhe të mbajtura nga ai gjatë kryerjes së detyrave, p-ërgjegjësisive dhe funksioneve të autorizuara nga ndonjë ligj në fuqi dhe kjo licencë.
2. Zbulimi i të dhënave të ndjeshme komerciale tek ndonjë person tjetër përveq personit me të cilin kanë të bëjnë të dhënat është i ndaluar kur një zbulim i tillë mund të ndalol, kufizoj apo çrregulloj konkurrencën në tregun e energjisë.
3. I Licencuari lirohet nga ndalesa për zbulimin e të dhënave të ndjeshme komerciale, lidhur me paragrafin 2 më lartë , vetëm kur:
  - 3.1 zbulimi i tillë lejohet në mënyrë të qartë nga ndonjë ligj, rregull, kod apo licencë; ose
  - 3.2 zbulimi i tillë është bërë në pajtueshmëri me ndonjë obligim që del nga ligjet e Komunitetit të Energjisë.
4. Në këtë nen “ informatë e ndjeshme komerciale” nënkupton informatën që, nëse i zbulohet ndonjë personi me të cilin nuk ka të bëjë, i mundëson atij personi përparësi të padrejtë në konkurrencë dhe do të përfshij, por nuk kufizohet vetëm në, plane operacionale në kohë-reale ose afërsisht reale të njësive të gjenerimit, kostove të gjenerimit dhe të dhënave të tjera teknike, financiare ose operacionale dhe të dhëna të tjera që arsyeshëm pritet që tu ofrojnë konkurrentëve avantazh të padrejtë në tregun e Kosovës ose ndonjë treg tjetër.
5. I Licencuari duhet të bëjë të gjitha përpjekjet e duhura për të siguruar që vepron në përputhje me kërkesat e këtij Neni dhe dispozitat e legjislacionit në fuqi, duke përfshirë



vendosjen e të gjitha masave, përfshirë politikat, procedurat dhe masat e arsyeshme mbrojtëse elektronike ose të tjera për të siguruar që informatat e ndjeshme komerciale janë identifikuar dhe nuk janë zbuluar, në kundërshtim me këtë Nen.

6. I Licencuari duhet të sigurohet që gjithë menaxhmenti dhe stafi që kanë qasje në të dhëna të tilla janë të trajnuar, për të shmangur rrezikun e ndonjë zbulimi të paramenduar ose të paqëllimshëm të informatës së ndjeshme komerciale.
7. Brenda tre (3) muajsh pas hyrjes në fuqi të kësaj licence të modifikuar, i Licencuari duhet të njoftoj ZRRRE për masat që janë ndërmarrur për të siguruar pajtueshmëri me këtë Nen.

#### **Neni 24: Dhënia e Informatave Operatorëve të tjerë të Sistemit dhe Operatorit të Sistemit të Shpërndarjes**

Në mënyrë që të siguroj funksionim efikas, zhvillim të kordinuar dhe ndërfunksionimin të sistemeve të ndërlidhura, i Licencuari do t'i dërgoj çdo informatë të nevojshme Operatorit të Tregut, Operatorit të Sistemit të Shpërndarjes dhe operatorëve të ndërlidhur të sistemeve fqinje, në mënyrën dhe kohën që arsyeshëm mund të jetë kërkuar nga Operatori i Tregut, Operatori i Sistemit të Shpërndarjes dhe operatorët e sistemeve fqinje.

#### **Neni 25: Pavarësia Ligjore dhe Menaxheriale**

1. Për të siguruar pavarësinë e të Licencuarit, në përputhje me Nenin 11.2 të Ligjit për Energjinë Elektrike, duhet të zbatohen kriteret e mëposhtme:
  - 1.1 Personat përgjegjës për menaxhimin e të Licencuarit nuk do të marrin pjesë në strukturën e ndonjë ndërmarrje përgjegjëse, direkt ose tërthorazi, për kontrollin e përditshëm opercional të ndërmarrjeve të përfshira në gjenerimin, shpërndarjen dhe furnizimin e energjisë elektrike në Kosovë, dhe
  - 1.2 I Licencuari do të ndërmerr të gjitha masat e domosdoshme për të siguruar se interesat profesionale të personave përgjegjës për menaxhimin e të Licencuarit janë marr parasysh në një mënyrë që siguron se ata janë në gjendje të veprojnë në mënyrë të pavarur.
2. I Licencuari do të zbatoj Kodin e tij të Sjelljes për Operatorin të Sistemit të Transmisionit, ku përcaktohen masat e domosdoshme që sigurojnë përjashtimin e sjelljeve diskriminuese. Gjithashtu ky kod do të përmbajë obligimet specifike të drejtorëve dhe të punësuarve të tjerë lidhur me çështjet që kanë të bëjnë me konfidencialitetin, konfliktin e interesit etj.
3. I Licencuari herë pas here duhet të rishikoj Kodin e Sjelljes dhe çdo ndryshim i këtij Kodi duhet t'i dërgohet ZRRRE-së për aprovim.



4. I Licencuari do të publikoj Kodin e tij të aprovuar të Sjelljes në faqen e tij zyrtare elektronike.

#### **Neni 26: Rregullat e Tregut dhe Integrimi i Tregut**

1. I Licencuari do të veproj në pajtim me Rregullat e zbatueshme të Tregut.
2. I Licencuari duhet të bashkëpunoj dhe të kordinohet me Operatorin e Tregut dhe operatorët e tjerë të licencuar në organizimin e tregjeve të energjisë elektrike të një dite përpara dhe atyre brenda ditës për tregtim fizik të energjisë elektrike në tërë territorin e Republikës së Kosovës.
3. I Licencuari duhet të promovoj dhe lehtësoj integrimin e tregut të energjisë elektrike të Kosovës me tregjet e tjera regjionale.

#### **Neni 27: Shëndeti dhe Siguria**

1. I Licencuari do të ndërmarr të gjithë hapat e nevojshëm për të mbrojtur personat nga lëndimet dhe dëmtimet që mund tu shkaktohen atyre nga ana e të Licencuarit gjatë kryerjes së aktivitetit të Operatorit të Sistemit të Transmisionit, në përputhje me legjislacionin në fuqi.
2. I Licencuari, në përputhje me legjislacionin në fuqi, do të kryej kontrole (auditime) teknike dhe të sigurisë të Sistemit të Transmisionit në baza vjetore, dhe rezultatet e kontroleve të tilla, do t'i dërgoj në ZRRE, sa herë që kjo kërkohet nga ZRRE-ja.

#### **Neni 28: Puna**

I Licencuari, lidhur me marrëdhënien dhe sigurinë në punë do të veproj në pajtim me legjislacionin në fuqi në Kosovë.

#### **Neni 29: Obligimi i Sigurimit**

1. Licencuari do të bëjë sigurimin e aseteve në pajtim me legjislacionin në fuqi në Kosovë.
2. I Licencuari do të lidh kontrata për sigurimin e aseteve të sistemit të transmisionit dhe për pajisjet që përdoren për transmisionin e energjisë elektrike. Kontrata e tillë do t'i dërgohet ZRRE-së për rishikim në baza vjetore.

#### **Neni 30: Ndryshimi në Kontrollin e të Licencuarit**

1. I Licencuari do të njoftoj ZRRE-në për ndonjë ndryshim që pritet në kontroll së paku gjashtëdhjetë (60) ditë paraprakisht. Ndryshimi në kontroll nuk do të jetë efektiv deri sa ZRRE-ja nuk e aprovon atë.





2. I Licencuari do të njoftoj ZRRE-në për ndonjë ndryshim të strukturës organizative të Licencuarit. Njoftimi i tillë do t'i bëhet ZRRE-së jo më vonë se tre (3) ditë nga data e çdo ndryshimi të tillë.
3. Njoftimi i dorëzuar në ZRRE, lidhur me paragrafin 1, duhet të ofroj një vlerësim të detajuar nga i Licencuari deri në masën të cilën i Licencuari konsideron se ndryshimi në kontroll ndikon në statusin e certifikimit.
4. Ku, sipas ZRRE-së, ndryshimi në kontroll mbi të Licencuarin kërkon që procedura e certifikimit të rihapet, i Licencuari duhet të riaplikoj për certifikim, në pajtueshmëri me Rregullën për Certifikim, të miratuar nga ZRRE.

### **Neni 31: Obligimet e Shërbimit Publik**

1. I Licencuari do të kryej çdo obligim të shërbimeve publike që mund t'i vendoset nga ZRRE-ja, sipas Nenit 51 të Ligjit për Rregullatorin e Energjisë.
2. Kur në vendimin e ZRRE-së, për imponimin e obligimit të shërbimit publik mbi të Licencuarin, vendoset ndonjë kusht për lirimin nga ai obligim, atëherë kushtet e tilla do të konsiderohen si pjesë përbërëse e kësaj licence.

### **Neni 32: Sigurimi i Informacioneve ndaj ZRRE-në**

1. I Licencuari do të dorëzoj në ZRRE informacione dhe raporte në mënyrën dhe në afatet që ZRRE-ja mund t'i konsiderojë të përshtatshme.
2. I Licencuari do të dërgoj në ZRRE raporte tremujore dhe vjetore mbi veprimtarinë e Operatorit të Sistemit të Transmisionit si dhe pajtueshmërinë me kushtet e Licencës sipas Doracakut të Raportimit për Sektorin e Energjisë, të miratuar nga ZRRE-ja
1. Nëse i Licencuari, në përputhje me Rregullën për Informatat Konfidenciale, kërkon që një informacion i caktuar të konsiderohet si konfidencial atëherë është obligim i tij që të shënoj atë informacion si konfidencial dhe të arsyetoj kërkesën e tij në ZRRE. ZRRE do të shqyrtoj kërkesën e tillë në pajtim me Rregullën për Informatat Konfidenciale.
2. ZRRE ka të drejtë të kërkojë nga i licencuari çdo informatë konfidenciale, të nevojshme për përmbushjen e funksioneve dhe detyrave të saj, në pajtim me Nenin 12 të Ligjit për Rregullatorin e Energjisë.
3. I Licencuari duhet t'i dërgoj ZRRE-së detajet për çdo ndryshim në informata që janë dërguar gjatë aplikimit për këtë licencë.

Në këtë Nen:

**"Informacion"** – nënkupton materialin në çdo formë dhe pa asnjë kufizim do të përfshijë çdo kontratë, libër, dokument, regjistër, kontabilitet, llogaritje (statusore ose tjetër),



vlerësim, kthim ose raport të çdo përshkrimi dhe çdo shpjegim (gojor ose me shkrim) në lidhje me këto informacione që mund të jenë kërkuar nga ZRRE-ja.

### **Neni 33: Taksat**

I Licencuari duhet t'i paguaj ZRRE-së çdo taksë fillestare apo vjetore, siq përcaktohet në Rregullën për Taksat, të miratuar nga ZRRE.

### **Neni 34: Vazhdimi, Modifikimi, Pezullimi, Transferimi dhe Ndërprerja e Licencës**

1. ZRRE mund të vazhdoj, modifikoj, pezulloj, dhe ndërpres këtë licencë në përputhje me Ligjin për Rregullatorin e Energjisë dhe Rregullën për Licencimin e Aktiviteteve të Energjisë në Kosovë.
2. ZRRE-ja mund të transferoj këtë licencë në përputhje me Ligjin për Rregullatorin e Energjisë dhe Rregullën për Licencimin e Aktiviteteve të Energjisë në Kosovë, por duke siguruar që obligimet e licencës mund të kryhen nga një i Licencuar tjetër, nëse konsumatorët nuk do të dëmtohen për shkak të transferimit të tillë.

### **Neni 35: Masat Administrative dhe Gjobat**

1. Në rast shkeljeje të dispozitave të legjislacionit në fuqi, përfshirë Rregullat e nxjerra nga ZRRE, Nenet e kësaj Licence apo udhëzimet dhënë të Licencuarit nga ana e ZRRE-së, ZRRE-ja ka kompetenca t'i vendos të licencuarit masa administrative dhe gjoba, në përputhje me Nenin 57 të Ligjit për Rregullatorin e Energjisë dhe Rregullën për Masat Administrative dhe Gjobat.
2. Masat administrative dhe gjobat mund t'i vendosen ndërmarrjes si subjekt juridik si dhe personave përgjegjës të ndërmarrjes.
3. Shuma e gjobës do të vlerësohet në pajtim me Ligjin për Rregullatorin e Energjisë dhe Rregullën për Masat Administrative dhe Gjobat.

### **Neni 36: Zgjidhja e Kontesteve**

1. Çdo kontest që paraqitet apo është i lidhur me aktivitetet e licencuara do të zgjidhet në përputhje me Nenin 17 të Ligjit për Energjinë Elektrike dhe Rregullën për Zgjidhjen e Ankesave dhe Kontesteve në sektorin e energjisë, të nxjerrë nga ZRRE-ja.
2. Vendimet e ZRRE-së lidhur me vazhdimin, modifikimin, pezullimin, ndërprerjen dhe transferin e licencës si dhe vendimet lidhur me gjobat si rezultat i shkeljeve të kushteve të licencës apo shkeljes së ligjeve të aplikueshme, mund të kontestohen nga i Licencuari në gjykatën kompetente sipas ligjeve në fuqi.